

**Na osnovu člana 89,90,91,92,93 Pravila Fakulteta sporta i tjelesnog odgoja (Prečišćeni tekst broj 01-2644/08) i Odluke o kriterijima i mjerilima za utvrđivanje redoslijeda prijema kandidata za upis u prvu godinu I ciklusa studija na visokoškolske ustanove Univerziteta u Sarajevu na prijedlog Nastavno-naučnog vijeće Fakulteta sporta i tjelesnog odgoja utvrđenog na sjednici održanoj 8.4.2013.godine broj:01-1290/13, Upravni odbor fakulteta na sjednici održanoj 11.4.2013. godine broj:\_\_\_\_\_ donosi :**

**PRAVILNIK O KRITERIJIMA I MJERILIMA ZA PROVOĐENJE PRIJEMNOG ISPITA I UPIS U PRVU GODINU PRVOG CIKLUSA STUDIJA NA FAKULTET SPORTA I TJELESNOG ODGOJA.**

**I. OSNOVNE ODREDBE**

**Član 1.**

Ovim pravilnikom utvrđuju se kriteriji i mjerila za bodovanje i upis kandidata u prvu godinu I ciklusa studija na Fakultetu sporta i tjelesnog odgoja.

**Član 2.**

Pravo učešća na Konkursu imaju državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Izuzetno, kandidati koji su srednju školu završili izvan Bosne i Hercegovine imaju pravo učešća na Konkursu i prije izvršene nostrifikacije, odnosno ekvivalencije svjedočanstva o završenom srednjem obrazovanju u inostranstvu, ali se u prvu godinu studija mogu upisati nakon izvršene nostrifikacije, odnosno ekvivalencije o završenom srednjem obrazovanju u inostranstvu, a najkasnije do početka školske godine.

Pravo učešća na Konkurs i polaganje prijemnog ispita imaju i kandidati sa završenom srednjom školom po programu IB međunarodne mature, s tim što su dužni dostaviti svjedočanstvo o završenoj srednjoj školi prije početka upisa.

Prijem i upis studenata u prvu godinu studija provodi komisija formirana od strane Nastavno-naučnog vijeća fakulteta.

**II. OPŠTI SMJER,** za školovanje kadrova koji nakon završenog obrazovanja u četverogodišnjem trajanju, VIII semestara, 240 ECT kredita, stiču akademsku titulu i stručni naziv Bakalaureat/Bachelor sporta i tjelesnog odgoja.

### Član 3.

Trajnje konkursa za upis u I godinu studija reguliše se konkurskom koji raspisuje i objavljuje Univerzitet u Sarajevu.

Za prijavu na konkurs za u upis u I godinu studija kandidat je dužan predati na Protokol Fakulteta sljedeće dokumente:

- zahtjev za upis u kome je tačno naznačen smjer na koji konkuriše,
- originalne svjedodžbe o završenim razredima srednje škole završene u Bosni i Hercegovini u četverogodišnjem trajanju, odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini,
- originalnu diplomu o završenoj srednjoj školi,
- izvod iz matične knjige rođenih,
- uvjerenje o državljanstvu i
- ljekarsko uvjerenje o podobnosti za ovaj studij (izdaje ga Zavod za zaštitu studenata Univerziteta u Sarajevu)
- druge dokumente relevantne za utvrđivanje broja bodova po kriterijima.
- značajna sportska priznanja (vrhunski rezultati, takmičenja srednjih škola na nivou države, entiteta, kantona i općine).

Prijave podnesene poslije utvrđenog roka, kao i nepotpune prijave neće se uzimati u razmatranje.

### Član 4.

Upis kandidata vrši se na osnovu:

- općeg uspjeha,
- uspjeha iz maternjeg jezika, stranog jezika, tjelesnog odgoja i biologije (predmeti značajni za studij)
- rezultata postignutih na prijemnom ispitu,
- rezultata ostvarenih u vrhunskom sportu
- „posebnog priznanja ministra obrazovanja i nauke“, a za učenike iz drugih kantona sa prosjekom 5,0.

Bodovanje uspjeha iz srednje škole izračunava se prema Odluci o kriterijima i mjerilima za utvrđivanje redoslijeda prijema kandidata za upis u prvu godinu studija na visokoškolske ustanove univerziteta u Sarajevu.

### Član 5.

Rangiranje kandidata vrši se na osnovu ukupnog broja bodova dobivenih prema sljedećim kriterijima:

**Opći kriterij** odnosi se na uspjeh postignut u srednjoj školi i iznosi maksimalno 20 bodova, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 4.

**Pojedinačni kriterij** odnosi se na uspjeh ostvaren iz četiri predmeta u četiri razreda srednje škole značajnih za studij (MATERNJI JEZIK, STRANI JEZIK, BIOLOGIJA I TJELESNI ODGOJ) i iznosi maksimalno 40 bodova, a utvrđuje se tako što se prosječna ocjena iz grupe ovih predmeta zaokruži na dvije decimale i pomnoži sa 8.

**Posebni kriterij** odnosi se na: „posebno priznanje ministra obrazovanja i nauke“, a za učenike iz drugih kantona sa prosjekom 5,0., i po ovom osnovu kandidat dobija 5 bodova, za ostvarene rezultate u vrhunskom sportu može se dobiti maksimalno 5 bodova i broja bodova koje kandidat dobija po osnovu takmičenja navedenih u članu 6.

**-Prijemni ispit** na kojem kandidati mogu ostvariti maksimalno 40 bodova.

## Član 6.

### **Način bodovanja općeg, pojedinačnog i posebnog kriterija:**

Broj bodova po osnovu općeg kriterija utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 4.

Broj bodova po osnovu pojedinačnog kriterija utvrđuje se tako što se prosječna ocjena iz grupe ovih predmeta zaokruži na dvije decimale i pomnoži sa 8 (MATERNJI JEZIK, STRANI JEZIK, TJELESNI ODGOJ I BIOLOGIJA).

Broj bodova po osnovu posebnog kriterija iznosi:

- 5 bodova za nosioca „Posebnog priznanja“, koje dodjeljuje ministar obrazovanja i nauke, kao i kandidata koji dolaze izvan KS, a u toku cjelokupnog srednjoškolskog obrazovanja su imali odličan (5) uspjeh iz svih nastavnih predmeta i primjereno vladanje.
- rezultati ostvareni u vrhunskom sportu iz predmeta Curiculuma Fakulteta boduju se na sljedeći način:

Za jedno od osvojenih mjesta na takmičenju na državnom nivou dobije se sljedeći broj bodova:

- za osvojeno prvo mjesto 3 boda
- za osvojeno drugo mjesto 2 boda
- za osvojeno treće mjesto 1 bod

Za jedno od osvojenih mjesta na međunarodnom takmičenju broj bodova:

- za osvojeno prvo mjesto 5 boda
- za osvojeno drugo mjesto 4 boda
- za osvojeno treće mjesto 3 boda

Kandidati po osnovu rezultata ostvarenih u vrhunskim sportu mogu ostvariti maksimalno 5 bodova.

- Za jedno od osvojenih mjesta na lokalnom (općinsko, gradsko) takmičenju učenika srednjih škola dobija se sljedeći broj bodova:

- za osvojeno prvo mjesto – 2 boda,
- za osvojeno drugo mjesto – 1 bod i
- za osvojeno treće mjesto – 0,5 bodova.

Za jedno od osvojenih mjesta na kantonalnom takmičenju učenika srednjih škola dobija se sljedeći broj bodova:

- za osvojeno prvo mjesto – 3 boda,
- za osvojeno drugo mjesto – 2 boda i
- za osvojeno treće mjesto – 1 bod.

Za jedno od osvojenih mjesta na takmičenju učenika srednjih škola na nivou entiteta i Bosne i Hercegovine dobija se sljedeći broj bodova:

- za osvojeno prvo mjesto – 4 boda,
- za osvojeno drugo mjesto – 3 boda i
- za osvojeno treće mjesto – 2 boda.

Za jedno od osvojenih mjesta na međunarodnom takmičenju učenika srednjih škola dobija se sljedeći broj bodova:

- za osvojeno prvo mjesto – 5 bodova,
- za osvojeno drugo mjesto – 4 boda i
- za osvojeno treće mjesto – 3 boda.

Ukupan broj bodova, a koje kandidat dobija po osnovu takmičenja navedenih u ovom članu, formira se na osnovu zbira bodova po svim rezultatima, s tim da se boduju samo takmičenja koja su zvanično organizirana na nivou općine, grada, kantona, entiteta i Bosne i Hercegovine i to iz predmeta: matematika, fizika, strani jezik, informatika, sporta a za umjetničke akademije i takmičenja u okviru te struke.

## **Član 7.**

Prijemni ispit se organizira prema kriterijima oglasa istaknutog na oglasnoj ploči i web stranici Fakulteta.

Sadržaj prijemnog ispita je sljedeći:

1. Test znanja i sposobnosti iz plivanja 50 m (eliminatoran)
2. Test opće informiranosti
3. trčanje (M) 100m i 1500m; (Ž) 100m i 800m;
4. skok u dalj s mjesta
5. kordinacija kretanja
6. fleksibilnost – duboki pretklon
7. sklekovi
8. vladanje loptom ( sportske igre: odbojka, košarka, rukomet, nogomet)
9. procjena osjećaja za ritam i sluh
10. procjena konstitucije i držanja tijela

## Član 8.

### Uslovi i način bodovanja praktičnog dijela prijemnog ispita za opći smjer:

#### ZA KVALIFIKACIONI ISPIT POTREBO JE:

- LIČNA KARTA (radi identifikacije)
- OLOVKA
- SPORTSKA OPREMA (šorc, maica, patike, oprema za plivanje...)

#### USLOVI KVALIFIKACIONOG ISPITA

- kandidat može osvojiti maksimalni broj od 40 bodova po osnovu kvalifikacionog ispita.
- da bi kandidat bio primljen mora po osnovu rezultata iz motoričkih testova osvojiti najmanje 50% bodova (18,5. bodova).
- Kandidat koji na testu znanja i sposobnosti iz plivanja ne ostvari zadatak koji se sastoji iz skoka u vodu na noge ili glavu te prepliva 50 metara bilo kojom tehnikom ne može nastaviti kvalifikacioni ispit (eliminacija).
- Kandidat koji iz tri testa ostvari nula bodova neće biti uvršten u rang listu (eliminacija).

*Tabela za bodovanje rezultata motoričkih testova kvalifikacionog ispita*

Bod	Trčanje 100 m		Kordinacija u sek.		Sklekovi broj		Trčanje 1500 m 800 m	
	M	Ž	M	Ž	M	Ž	M	Ž
4			7	9				
3,5			10	12				
3	12,5	13,5	13	15	30	30	5.00,0	2.50,0
2,5	12,8	13,8	16	18	25	25	5.08,0	2.55,0
2	13,0	14,0	19	21	20	20	5.15,0	3.00,0
1,5	13,2	14,2	21	24	15	15	5.22,0	3.08,0
1	13,5	14,5	24	27	10	10	5.30,0	3.15,0
0,5	13,8	14,8	27	30	5	5	5.35,0	3.20,0

Bod	Fleksibilnost		Skok u dalj	
	M	Ž	M	Ž
4				
3,5				
3	40	40	290	210
2,5	35	35	275	195
2	30	30	260	180
1,5	20	20	240	160
1	10	10	220	140
0,5	5	5	200	120

Sportske igre od	0-12 bodova (po tri boda za sp.igru)
Ritam i sluh	0-3 boda
Držanje tijela	0-3 bodova
Test opće informiranosti	0-3 bodova.

*Redoslijed sporovođenja testiranja nakon provjer znanja i sposobnosti iz plivanja:*

TESTOVI	MAX BODOVA
1. test opće informiranosti	3
2. trčanje (M) 100m i; (Ž) 100m;	3
3. skok u dalj s mjesta	3
4. koordinacija kretanja	4
5. fleksibilnost – duboki pretklon	3
6. sklekovi	3
7. vladanje loptom ( sp. igre: odbojka, košarka, rukomet, nogomet)	12
8. procjena osjećaja za ritam i sluh	3
9. procjena konstitucije i držanja tijela	3
10. 1500m (M); 800m (Ž)	3
<b>UKUPNO</b>	<b>40</b>

### Član 9.

Pravo upisa na Opći smjer (240 ECTS-a) stiču samo oni kandidati koji ostvare najmanje 70 bodova.

### III. SMJER ZA ŠKOLOVANJE TRENERA I KADROVA ZA SPORT

- **Menadžment u sportu**
- **Sport**
- **Sportska rekreacija**

### Član 10.

Opći uvjeti za upis na Smjer za školovanje trenera i kadrova za sport:

1. završena srednja škola u četverogodišnjem trajanju
2. odgovarajući zdravstveni status
3. položen prijemni ispit
5. Status vrhunskog ili vrsnog (kvalitetnog) sportaša u sportskoj grani (osim za fitness, sportsku rekreaciju, invalidna lica, fizičku pripremu sportaša, sportsko novinarstvo, policija i vojske) i preporuke nacionalnog sportskog saveza, ili trenersko-instruktorski staž u datoj grani sporta ili aktivnosti.

## **Član 11.**

Pravo prijave na Konkurs za upis koji na Protokol Fakulteta podnesu sljedeću dokumentaciju:

- zahtjev za upis u kome je tačno naznačen odsjek na koji konkuriše,
- originalne svjedodžbe o završenim razredima srednje škole završene u Bosni i Hercegovini u četverogodišnjem trajanju, odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini,
- originalnu diplomu o završenoj srednjoj školi,
- izvod iz matične knjige rođenih,
- uvjerenje o državljanstvu i
- ljekarsko uvjerenje o podobnosti za ovaj studij
- značajna sportska priznanja

Prijave podnesene poslije utvrđenog roka, kao i nepotpune prijave neće se uzimati u razmatranje.

## **Član 12.**

Rangiranje kandidata vrši se na osnovu:

- općeg uspjeha,
- uspjeha iz maternjeg jezika, stranog jezika, (predmeti značajni za studij)
- rezultata postignutih na prijemnom ispitu,
- rezultata ostvarenih u vrhunskom sportu
- „posebnog priznanja ministra obrazovanja i nauke“, a za učenike iz drugih kantona sa prosjekom 5,0.

## **Član 13.**

Prijemni ispit za upis kandidata za Smjer za školovanje trenera i kadrova za sport se organizira prema kriterijima oglasa istaknutog na oglasnoj ploči i web stranici Fakulteta.

Sadržaj prijemnog ispita je sljedeći:

1. Test opšte informisanosti
2. Test sportske informisanosti
3. Test verbalne komunikacije

Test se radi u ovjerenom duplikatu od čega jedna kopija ostaje Fakultetu a druga kandidatu. Ispravnost objavljenih rezultata provjere znanja kandidat dokazuje ovjerenim duplikatom.

## **Član 14.**

### **Način bodovanja prijemnog ispita:**

Na testu opšte informisanosti kandidati mogu osvojiti od 0-5 bodova.

Na testu opšte pismenosti kandidati mogu osvojiti od 0-5 bodova.

Na testu verbalne kandidati mogu osvojiti od 0-5 bodova.

Kandidati na prijemnom ispitu mogu ostvariti maksimalno 15 bodova.

#### **Član 15.**

Pravo upisa stiču samo oni kandidati koji u svakom pojedinačnom segmentu prijemnog ispita ostvare najmanje 50% bodova.

#### **Član 16.**

Bodovanje uspjeha iz srednje škole izračunava se prema Odluci o kriterijima i mjerilima za utvrđivanje redoslijeda prijema kandidata za upis u prvu godinu studija na visokoškolske ustanove Univerziteta u Sarjevu, bodovanje uspjeha iz maternjeg jezika, stranog jezika, (predmeti značajni za studij), rezultata ostvarenih u vrhunskom sportu, „posebnog priznanja ministra obrazovanja i nauke“, a za učenike iz drugih kantona sa prosjekom 5,0. vrši se po kriterijima koji se primjenju kod bodovanja za upis na osnovni studij.

### **IV. POSTUPAK PROVOĐENJA PRAVILNIKA, OBJAVLJIVANJE RANG LISTE KANDIDATA I UPIS KANDIDATA NA OSNOVNI STUDIJ I SMJER ZA ŠKOLOVANJE TRENERA I KADROVA ZA SPORT**

#### **Član 17.**

Postupak za provođenje ovog pravilnika provodi komisija za prijemni ispit koju imenuje Nastavno-naučno vijeće Fakulteta. Nakon provedene provjere, sačinjava se rang lista koja se potvrđuje na Nastavno-naučnom vijeću Fakulteta i objavljuje na oglasnoj ploči i web-stranici Fakulteta.

#### **Član 18.**

Nakon zbrajanja bodova, za svakog kandidata pojedinačno, po svim osnovama iz ove odluke, komisija sačinjava rang-listu svih kandidata i spisak primljenih kandidata na Opšti smjer i Smjer za školovanje trenera i kadrova za sport i oglašava ih na oglasnoj ploči i web stranici Fakulteta nakon što ih usvoji Nastavno-naučno vijeće Fakulteta. Na objavljenu rang-listu kandidati mogu uložiti pismeni prigovor Nastavno-naučnom u roku od tri dana od dana objavljivanja liste.

Nastavno-naučno je dužno da u roku od 3 (tri) dana odluči o prigovoru i o tome obavijesti kandidata.

Odluka Nastavno-naučnog vijeća Fakulteta je konačna.

#### **Član 19.**

Kandidati koji, u skladu sa Konkursom, budu primljeni na visokoškolsku ustanovu, za upis u prvu godinu studija, pored već predatih dokumenata, podnose:

- upisni, semestralni list i ŠV obrazac,
- upisnicu –indeks,
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).



Pod jednakim uvjetima iz ovih Kriterija, prednost imaju:

- djeca boraca-branitelja BiH,
- djeca ratnih vojnih invalida,
- djeca šehida i poginulih i nestalih boraca – branitelja i umrlih ratnih vojnih invalida,
- djeca organizatora otpora,
- djeca veterana – prvoboraca i
- djeca nosilaca najviših ratnih priznanja  
(Čl. 1., 2., 5. i 24. Zakona o dopunskim pravima boraca-branitelja BiH-prečišćeni tekst („Sl. novine Kantona Sarajevo“, broj 9/07)“;

## **V. PRELAZNE I ZAVRŠNE ODREDBE**

### **Član 20 .**

Pravilnik stupa na snagu danom usvajanja na sjednici Upravnog odbora fakulteta i bit će objavljen na glasnoj ploči i web stranici fakulteta. Usvajanjem ovog Pravilnika prestaje da važi Pravilnik o kriterijima i mjerilima za provođenje prijemnog ispita i upis u I godinu studija na FASTO-u broj:01-3041/08 od 25.6.2008. godine.

**DEKAN FAKULTET**

**Prof.dr Munir Talović**

**PREDSJEDNIK UO**

**Adnan Džindo**